

Saradnja sa Sveučilištem Sjever Varaždin i Institutom za industrijski razvoj Zagreb

ZAJEDNO DO PUNOPRAVNOG UČEŠĆA U EVROPSKOM OBRAZOBNOJ I ISTRAŽIVAČKOM PROCESU

Profesor dr. Esad Jakupović, rektor Panevropskog univerziteta i prof. dr Sanel Jakupović, dekan Fakulteta poslovne ekonomije i direktor Naučno-istraživačkog instituta početkom novembra ove godine proširili su saradnju sa institucijama u Hrvatskoj, potpisavši sporazume sa Sveučilištem Sjever u Varaždinu i Institutom za industrijski razvoj u Zagrebu.



- S obzirom na našu želju, ali i želju naših novih partnera da konstantno radimo na kvalitetu, potpuno su logični koraci koje smo napravili. U planu su nam raznovrsni zajednički projekti, čiji ishodi će donijeti benefite visokoškolskom obrazovanju i nauci, a samim tim i studentima. Moram napomenuti da su brojni studenti iz Hrvatske koji upisuju naše fakultete, te je i po tome ova saradnja prirodan slijed događaja, kazao je profesor Sanel Jakupović.

Sveučilište Sjever u Varaždinu je državno Sveučilište, ima 11 studijskih programa, 3000 studenata i najsavremenije laboratorije za zdravstvenu njegu u Hrvatskoj. Saradnja sa ovom visokoškolskom ustanovom obuhvatiće saradnju na simpozijumima i naučnim skupovima, razmjenu studenata, nastavnika i naučnika, te promovisanje univerzalnih akademskih vrijednosti.

- Ispuniti pretpostavke za aktivnim i punopravnim učešćem u jedinstvenom evropskom obrazovnom prostoru jeste naš zajednički cilj, naglasio je profesor Marin Milković, rektor ovog Sveučilišta.

Institut za industrijski razvoj u Zagrebu je novosnovana institucija u okviru programa industrijskog i tehnološkog razvoja u Republici Hrvatskoj.

- Sa Panevropskim univerzitetom želimo zajednički nastup u evropskim projektima, istakla je profesor Vlatka Bilas, predsjednik Instituta.

Sporazum podrazumijeva povezivanje akademske zajednice i poslovnog sektora dvije zemlje, zajedničke programe i operativne planove razvoja industrije na lokalnom i nacionalnom nivou te unapređivanje prakse i teorije industrijskog razvoja , izgradnje i funkcionisanja inovacijskog sistema i pametne specijalizacije.

Banja Luka, 03. novembar 2015.godina

Služba za odnose sa javnošću